

Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput I. Laxæ de absolutione referuntur sententiæ.

[urn:nbn:de:hbz:466:1-53587](https://nbn-resolving.de/urn:nbn:de:hbz:466:1-53587)

SECTIO V.

D.E

ABSOLUTIONE.

Quamvis autem absolutio Sacerdotis alieni beneficii sit dispensatio, tamen non est solum nudum ministerium vel annuntiandi Evangelium, vel declarandi remissa esse peccata, sed ad instar actus judicialis, quo ab ipso velut a judice sententia pronunciatur; atque ideo non debet pœnitens adeo sibi de sua ipsius fide blandiri, ut etiam si nulla illi adsit contritio, aut Sacerdoti animus serio agendi & vere absolvendi desit, putet tamen se propter suam solam fidem vere & coram Deo esse absolutum: nec enim fides sine Pœnitentia remissionem ullam peccatorum præstaret, nec is effet nisi salutis suæ negligentissimus, qui Sacerdotem joco se absolventem cognosceret, & non alium serio agentem sedulo requireret (Trid. Seff. cap. 6.). Reflexionum

CAPUT I.

Laxæ de absolutione referuntur sententiæ.

Falso profecto asseritur, absolutionem a Confessione semper esse separandam, & differendam, sed falso quoque & periculose affirmatur, numquam absolutionem esse differendam, & debere Confessarium semper pœnitentem absolve-

G g 4

re.

re, ubi confessionem ejus audivit, quamvis pénitenti deesse contritionem cernat, & propositum de cætero non peccandi, imo denuo peccatum ipsum prævideat. Novi tamen quidam Casuistæ id docent; & dicunt, si pénitens se a peccato cessaturum promittat, absolvî posse non obstante peccandi consuetudine, & quamvis pénitens ipse in vetera crimina lapsorum denuo se timeat,

Addit aliis Casuista, posse pénitentem absolvî, qui in idem crimen sæpius est relapsus, quin ipsi præcipiatur, ut peccandi occasionem deserat, & quin ipsem ab ea se discessurum propenat; & satis esse, si Confessarius emendationem aliquam sperare possit. At expresse alter ait, pénitentem, qui coram Confessario a peccatis se cessaturum promittit, dignum esse qui absolutionem accipiat, *toties quoties illam petit, quantumcumque nulla notetur emendatio.* En ridiculam rationem, qua hæc doctrina stabilitur potuit huic pénitenti prima vice dari absolutorium ergo eidem poterit iterum conferri (a).

Alius inquit, posse illum absolvî, qui probabilem opinionem sequitur, licet oppositam sequatur Confessarius; imo ulterius quidam progrediens ait, quamvis Confessarius sive ordinarius sive delegatus pénitentis opinionem de improbabilem penitus judicet, teneri tamen ad absolutionem pénitenti impariendum. Objicit sibi met ipsi hic Casuista, Confessarium esse pénitentis superiorem, ac proinde teneri pénitentem suam opinionem deserere, ut Confessari

(a) Eadem docet Vir apostolicus *de Officio Jud. §. II.*

opinionem segetur. Respondet, Confessarium non esse absolute pœnitentis superiorem, nec posse in omnibus pœnitenti præcipere, sed id iolum jubere, quod ad peccata in Confessione exposta attinet. Hoc pacto judicis auctoritas Confessario eripitur, imo id efficitur, ut ab ore rei sententiam a se ferendam accipiat. Quamvis Confessarius non sit absolute & in omnibus pœnitentis Superior, tamen ex suo officio jurisdictionem supra pœnitentem habet, quantum attinet ad peccata, quorum se pœnitens accusavit. Quis autem huic exercenda jurisdictioni erit locus, si postquam pœnitens Sacerdoti sua peccata detexit, hujus judicio se subjecere non teneatur quoad peccatorum qualitatem, remedium convenientiam, temporis opportunitatem, cæterasque dispositiones ad absolutionem obtinendam necessarias?

Attamen Casuista quidam docet, sub mortali peccato teneri Confessarium ad absolutionem pœnitenti impariendam. Alius inquit, posse semper Confessarium, imo teneri contra propriam opinionem pœnitentem absolvere, quando pœnitens probabilem opinionem sequitur; nam secus severitate sua pœnitentem impelleret ad peccata sua alteri denuo confitenda.

Addit aliis, posse & debere Confessarium probabilem pœnitentis sequi, licet propria opinio sit probabilior. Et quamvis in sacerdotalibus negotiis Judex & Medicus probabilem opinionem sequi teneantur, Confessarium tamen ad hanc sequendam non teneri; quia in hoc nego-

tio sufficit, ut pœnitens juxta probabilem opinionem dispositiones habeat ad accipiendo gratiam necessarias, ideoque tenetur sub mortali. Confessarius pœnitentis opinionem sequi, illigata absolutionem impertiri. Porro secundum hunc Auctorem oportet, ut hæc opinio sit probabilis vel propter rationes, quibus innititur, vel propter illorum auctoritatem, qui eamdem docent. Si pœnitentis opinio utraque probabilitate careat, & pœnitenti dumtaxat videtur probabilis, caveret Confessarius ne quid temere agat, vel statim videat an Doctor aliquis eamdem sententiam docuerit, quem si reperit, illum sequatur. Et Probabilistarum axioma, morum ducem sequuntur unum Auctorem, qui falli facile potest aut ignorantia, aut ex malitia (a).

(a) Omnes istæ laxitates in sequentibus, quæ summa Sedes protrivit, propositionibus velut in compendio continentur. Prima ista est: Non obligandus concubinarius ad ejiciendam concubinarii vulgo Regalo, dum deficiente illa nimis ageret vitam, & aliae epulæ fædio magno concubinarium afficerent, & alia famula nimis difficile conveniretur. Est 41. inter damnatas ab Alexandro VII. Altera: Licet sacramentaliter absolvere dimidiate tantum confessos, ratione magni concursum pœnitentium; qualis potest contingere in die magna alicujus Festivitatis, aut indulgentia. Est Num. 59. inter damnat. ab Innocentio XI. Tertia: Pœnitenti habenti consuetudinem peccandi contra legem Dei, naturæ, aut Ecclesiæ, et si emendationis ipsa qualla appareat, nec est neganda, nec differenda absolutionis, dummodo ore proferat se dolere, & proponere

errores hi omnes adeo Concilii textui, antiquis Doctoribus, recteque rationi sunt contraria, ut iis refutandis non sit immorandum. Nos in nostra Diœcesi illos prohibuimus, eosdemque sectari Confessariis interdicimus, tamquam erroneos, & Pœnitentiæ Sacramentum destruentes.

C A P U T II.

Genuinæ de absolutione referuntur Regulæ.

Quamvis in præcedentibus sancti Tridentini Concilii capitibus, & in nostris Reflexionibus satis expressæ sint veritates, quibus mandati Confessarii Pœnitentiæ Sacramentum rite valeant administrare; attamen operæ pretium futurum me duxi, si nonnulla ad proximam spem addam, ne Sacramentum, quod ad delenda & cohibenda peccata Christus instituit, ex ministrorum vitio in peccatorum somitem, & pœnitentium perniciem vertatur.

1. Caveant Confessarii, ne Pœnitentiæ Sacramentum mutilum reddant, dum de peccatorum con-

ponere emendationem. Num. 60. Quarta: Potest aliquando absolviri, qui in proxima occasione peccandi versatur, quam potest & non vult omittendi, quinimo directe, & ex proposito querit, aut ei se ingerit. Num. 61. Quinta: Absolutionis capax est homo, quantumvis laboret ignorantia Mysteriorum fidei, & etiamsi per negligentiam etiam culpabilem nesciat mysterium SS. Trinitatis, & Incarnationis D. N. Iesu Christi. Est Num. 64. inter damnatas ab eodem.